



02010



温州市图书馆

WENZHOU LIBRARY

01030



温州市图书馆

WENZHOU LIBRARY



温州市图书馆

WENZHOU LIBRARY

王氏家錄外編卷六

十三世孫睿堯
別號真敬鈔

慶谿橋王公偕配安人齊壽榮封序

姻人張孚敬

谿橋王公子女兄丈也先少傅生女兄及子兄弟四人然鍾愛女

兄得星術言以貴顯期之及議婚歸同里谿橋公有甥三人子明

子揚子大子于諸兄為李視伯仲兩甥年相上下谿橋公令兩甥

同子學先後並以甲科起家予遭際聖明致位保傅子明子揚同

宦部曹嘉靖己丑子揚以司勳郎滿考封公為吏部稽勳司署員

外郎事主事吾女兄為安人是年公八十歲女兄壽七十七歲八

月二十一日為公誕辰子明兄弟先期從京師函敷書及冠服歸

壽屬予言將之予自念勿失恐侍藉女兄愛視稍長偕兩甥學歸

時往問候谿橋公惓惓以德業相勸勉故予事女兄猶母而視谿



橋公每遜讓不敢當賓禮女兄性慈孝明大義每與予語及先少
傳及母夫人遺事輒相向涕泣以谿橋公亦為咨嗟不已嗚呼先少
傳起布衣植德累仁嘗因讖家言以昌大望之子女而慨俱不及
見夫逸能思初安而惟始樂之情也講信修睦篤親處厚禮之經
也禮樂統乎倫理故予于谿橋公及女兄之榮壽不能無情焉予
佐聖天子修明禮樂敦叙倫紀以孝治天下而資兩甥同心協恭
共贊中興之盛竭忠於國固所以成孝於家也而公與吾女兄所
願望其子而慰悅其心者當不在于承權膝下矣而况有孝子以
奉晨昏修滫瀡哉谿橋以碩德望于鄉吾女兄相以淑嫕並壽媿
德胤祚蕃昌耳目罕覩記者昔龐德隱于鹿門夫婦相賓敬表于
史傳而其胤有鳳雛之譽竟以顯其親吾兩甥東嘉梅為雙鳳王
公所居谿橋即目為鹿門之野可也予異日乞恩東歸當撰杖屨

從公于谿橋上握手相慰勞公其旦夕望我乎詩曰躋彼公堂稱
彼兕觥萬壽無疆先歌此為公壽且以期之將來也公並女兄拜
恩之後尚以予言告吾家廟可焉賜進士第光祿大夫柱國少師
兼太子太師吏部尚書華蓋殿大學士姻人羅山張亨敬譔嘉靖
己丑七月望日

壽東厓翁七十序

邑人王應辰譔訓導

東厓王公以福建參議疏乞休奉俞旨致仕時年甫耆也越十載
為嘉靖壬寅翁壽七十鄉大夫雲麓鄭翁率諸士友稱壽而屬王
生為辭以獻生嘗讀漢儒言曰有王澤之壽有行仁之壽有聲聞
之壽斯三者世之人難兼也翁身際休明初官春曹繼司夏省歷
清華之選仲公鶴山先生競美聯際尊公谿橋翁母張恭人並綏
壽社封章褒錫累架上父子兄弟金紫相輝斯為王澤不亦豐乎

卷之五 嘉靖壬寅 壽東厓翁七十序

翁性行醇厚夙與舅氏張羅山翁同志業及登朝適張翁為首相
諸建置率國家大體或終竟心有所麾斥翁周旋于中而忠賢陰
藉其庇歸則斂跡謝紛坐鎮惟俗多行陰德事鄉之人無賢愚疏
戚咸懼焉斯為存仁不亦普乎弱冠負士望中年乃仕而賢聲茂
著歸田以來公卿僚友猶交譽而樂誦之聲問訊候者前後如一
日守土之官師鄉儒紳後學承風薰德罔不傾慕翰服尚論前輩
風度足以寬鄙敦薄者必以翁為歸二子揚芳振袂奮跡科名又
以文行克世其家斯為聲聞不亦彰乎夫王澤遇之隆也行仁施
之溥也聲聞德之溢也世所謂完福也而翁具得之是固闕氣運
光邦家有非出于倖致者矣象方以是為翁慶幸而翁退然靡盈
謙謙下人身望日崇而克養益粹不知老之至焉昔衛武公既耄
而不忘交傲抑抑温温之訓口誦而身體之卒以令聞長世翁飭

人	壯	而	鳴	英	而	傳		爾	辰	靜	躬
楚	而	嫁	味	皇	曰	曰		戩	諸	頤	勵
人	遠	女	齊	盛	有	泰	奉	穀	大	天	行
有	禮	遜	則	矣	以	和	祝	又	夫	和	有
奇	矣	于	和	追	夫	在	大	曰	躋	節	衛
王	始	男	羹	婉	蓋	唐	中	純	堂	宣	武
公	大	十	調	之	人	虞	丞	嘏	迭	元	風
者	中	歲	色	者	之	成	竹	是	觴	氣	而
女	丞	以	齊	則	所	周	巖	常	王	耄	悴
以	竹	長	則	孰	尊	宇	王	請	生	期	顏
女	巖	順	玄	如	莫	宙	公	為	從	之	黜
而	二	之	黃	姜	如	間	暨	翁	諸	壽	髮
女	公	道	彰	任	壽	竊	夫	百	天	固	遐
之	童	也	矧	妣	壽	嘗	人	歲	夫	可	矚
齒	時	自	伊	邑	莫	疑	藍	祝	後	卜	趨
十	從	世	人	惟	如	之	氏		謹	而	步
年	其	俗	乎	其	德	世	齊		將	介	見
以	親	尚	在	齊	德	八	壽		以	也	者
少	之	女	禮	也	莫	獨	序		不	九	不
蓋	楚	年	三	故	如	舉			腆	月	知
甚	官	浸	十	聲	齊	其			之	之	為
迂	也	長	而	齊	若	三			辭	晦	古
于	因	近	娶	則	夫	何			詩	為	稀
俗	家	姤	二	咸	慶	哉			曰	翁	由
而	楚		十	韶	都	既			俾	誕	此
亦											

卷之二十一 壽考 楚人 有奇王公者 女以女而女之 齒十年以少 蓋甚迂于俗而亦

甚合于古也。既而王公以其卓犖之才，奏膚功于社稷，晉爵秩于九列。而夫人則章美內含，黃髮外著，閨門之治不肅而成，穆如也。于是公夫人齊位齊德，而又齊壽。今歲三月，則公七十，其十月，則夫人六十。春秋節序，喜氣常新。子孫振振，僮僕忭忻，賀客繩繩，若也。余將祝焉，而不敢私也。以告諸人，乃公嘗有却客之令，則以余為不知公，而余亦竊嘆公之不知余也。懷之半歲，所而復值夫人之壽，乃始得合辭而祝焉。盈缶之享，二簋之享，非公其曷能終矣之哉。或曰：壽而祝，禮歟？曰：禮也。余故業詩詩之，稱壽象矣。非獨下為上也。其南山大田，其于臣于民也亦然。故古之所貴于年者，與今異古也。以德今也，以福古之視也，以益今之稱也，以溢斯殆中丞公之所以辭歟。夫若中丞公之德盛矣，揮霍之才淳固之守通。

期之識堅凝之度邁往之氣劑調之心其言行既滿于天下心服
于君子而魄褫于小人要皆濡需者之所不敢為曖昧者之所不
欲為而卷婁者之所不能為也如居漂陽以一令連柱都御史折
豪貴巨室而奪之氣又以一身雄入九軍上與監司相持而徐基
之戢兵保民之略其居臺急病讓夷侃侃閭閻河東之差權利雍
容臺中號之仙焉公避弗爭也及為之則悉破其窩白變權利為
淡泊易雍容為鞅掌民肥身瘠門市心水河流為之一清也而之
湏則遂搖百年深根固蒂之芑蘼以遺來者以蕪夷民俾國家長
無西南之憂且激揚清濁至追理前柱史之所糾彈而躋之青雲
又已而按南畿掌故也悉釐故時株連百十貧校贖金之宿弊而
一從昭雪其胥貳廷九諸律數百年來傳用之訛自余居刑曹
時心竊而相顧不敢動者公悉條之朝廷時大司寇護前至以決

去就爭之而公堅挺弗予也又昔大中丞用兵焚人偶有馬謖違
葛任福廷韓之事則公遂嘿以退亦不屑辯蓋其所蘊蓄者弘
遠矣嗟乎若公者非所謂百代殊絕人物哉余每侍公聽其語言
退未嘗不爽然自失充然自得也蓋公所在不碌碌必有所為其
潤民澤物譬則興雲致雨一若龍也其逆折奸萌譬則藜藿不採
一若虎也傳不云乎余又何規乎老聃哉以猶龍也雖然豪傑之
才公固無與讓聖賢之學則公方日孳孳而未有涯也公今七十
年前至八十則有畢台尚父之倫九十則有衛之睿聖期頤以上
則又有翼翼之聖夔夔之聖學寧有止哉夫聖賢其學者必先聖
賢其心則冲而不盈之謂也故曰惟道集虛又曰人將輕千里而
來告之以善夫塵之高也必集于嶽水之下也必趨于壑非能禪
之固心嚮之公豈以其巍巍也洋洋也而不我茹哉公嘗語僕有

有其公者講學招余與坐談久之而不聞講也已而請之則曰即
公向所談者皆學矣余曰學若是易乎乃相與大笑罷去僕竊以
此二公未竟之語也夫謂公之所談而非學固不可謂學而止于
公之所談亦不可故曰未竟之語也不然則公之天資絕人蚤世
即涉獵諸子百家為文寔妙天下其為詩未嘗推敲而深入盛唐
之閒奧當世之學又有如公者哉而余乃以為方孳孳未有涯也
亦可謂慎也已矣乃若尊夫人之德則余亦竊之闕闕雖之貞靜樛
木之逮下鴈鳩之均一蘋藻之有齊乃無一而不備顧望舒之所
以為明者皆日也二南后夫人之所為行侔天地者皆君子也故
夫人之善則公之善而公之壽亦夫人之壽也是余謂所泰和者
也公其強飯自愛哉聖天子將召公授之索籥鼓茲泰和播之
乎天下而登之乎壽域矣萬曆五年歲在丁丑長至前三日賜進

士出身中奉大夫前江西布政使司左布政使同郡侯一元讓

壽竹岩王公七旬序

陳善布政左

浙東甌粵之間有介耿君子其人曰大中丞王公公為中丞建節

貴陽不一歲罷歸家食數年海內士大夫莫不壯公之節而惜其

不大用于世蓋公夙以奇氣壯節顯紳問然始以是用竟以是罷

云夫天下未嘗無材顧特立獨行者鮮耳以予所見則中丞其人

也往不佞督學滇南奉官無狀坐廢家中臺中有王御史者公忠

直端亮海內目為正人則私心竊山斗焉以身在草野方秉耜明

農未嘗隻字通也公被命按行滇中客過予論曰永嘉王公甌東

正人也今且持繡斧入滇當具知百執事政理狀力能直公寃不

予曰否前御史言之而後御史狀其枉彼非簡督之覆也即王公

信正直獨不為前御史地乎且媒孽者在滇彼方百計媾公公弗

昵之壯矣何用取此不識面之人而理之哉及王復命則具以不
佞列之于朝朝廷是其言乃自草萊間徵起不佞一歲三遷復官
滇南致位左轄俾不佞得以全名引去皆公之一賜也世士大夫
好以虛言相愉悅平居煦煦出肺肝相示緩急若可賴及頃與偶
被口語稍涉清議無論疏遠即其所狎暱且掉臂去之矣豈有拙
樸如予與中丞素昧生平者而敢以當世所無之事望之乎偉哉
王公于是乎有古人之風矣公既謝政歸掃軌杜門絕不與政府
通日惟駐精頤神迴光內照以葆天和雅負時望中外士論旦夕
以公輔期之乃公獨樂與二三舊朋壺觴眺咏徜徉天台雁蕩間
胸次灑落曠視一世浮游塵埃之外其英風義概足以砥俗廉頑
正言讜論留草西臺者至今遺直焉豈不信然偉丈夫哉始公
拒鎮臣請既以塵視萬金及理不肖紆滯力反前臺論列并其身

除而百世永賴耶漢故六詔習亂之鄉民夷雜處高皇帝按制天	士皆祥麟威鳳視之其尤壯偉特異者在按滇一行夫非以大熟	蓋天下稱名御史者必曰東甌王公云公以奇氣重海內海內之	壽大中丞竹巖王公七秩序	海虞徐棡 <small>浙江巡撫</small>	詔階正治鄉前兩奉勅提督廣西雲南學政錢唐陳善頓首譔	吉賜進士第正奉大夫雲南等處承宣布政使司左布政使致仕	敢自擬叔向至如祁吳公過之矣萬曆五年丁丑三月中澣澣之	下正人重一式公廬乎昔叔向不見祁吳千載以為美談不佞安	疏時固曰非吾私陳君一人為天下正人惜耳然則善獨不為天	武林扁舟載酒不遠千里與公稱壽蓋非為朋友私情也方公上	其阮奸皆近世所未見也萬曆丁丑三月十八日公壽七十善自	之去留置之度外矣夫欲直一人而蔽徒其官堅拒萬鎰持為發
---------------------------	---------------------------	---------------------------	-------------	--------------------------	--------------------------	---------------------------	---------------------------	---------------------------	---------------------------	---------------------------	---------------------------	---------------------------

下謂南夷不可去兵乃以兵事屬鎮臣世守而臺臣為監法至備也頃歲鎮臣阻兵怙亂所為多不道滇民習其威焰與土夷咸尊事之訛言流聞忽相恐動蓋不能旦夕安矣先是臺臣奉璽書按滇甫出國門輒為鎮所中始則嘗之貨賈繼則制以機權即慨慷辨智之士一墮彀中莫能自脫始終與之共事甚有受其羈紲流毒縉紳者以是滇事日敝而隱患孔亟公自束髮即以壯節自許既舉進士令劇邑著惠政晉陟內臺正色敢言坐論天下事明辨勁峻無所婢阿直聲宇內及受命按滇滇人皆喜而鎮臣內懼蚤夜積慮欲一逞于公嘗之萬金弗動也啗之甘言佞禮弗惑也恐之以蠱崇弗懼也既而按籍其黨悉置于法求得鎮事諸不順者數十盡列之于朝世皇震怒稍抑其權延數歲終就檻穽夫以天朝全盛四海兵力之彊乃當事者憚于一發舒徘徊積之歲

新上... 卷之三

月而罪人斯得公以一介之使羈旅之臣獨抗疏首廢其奸近弗
撓于身計遠弗絀于家圖非志大勇動天地而照日月者詎肯
出此危道耶公立朝大節鯁亮介直使滇一役而英風義概此為
尤著故今天下稱名御史者猶必曰東甌王公當以是也後公遷
廷尉少卿晉御史中丞撫治貴陽與滇南接壤聲教相聞公以靜
重鎮之貴陽安則滇南亦安西南民夷戴公之德非特君長亦父
母也公負用世鴻裁未竟厥施輒從家食茲歲登古稀春三月乙
巳賓維誕辰族諸子在宦者謀所以壽公而陽德氏建牙吳中走
使過余徵文為獻予聞施德百人者必身食其報今公一疏而翦
大憝靖國屯撫安黎元永垂萬世之利况公遺愛洽于滎陽憲紀
振于河東玄澤至仁徵于大理之平反其所施德于人人者豈特
億萬哉行見永膺戩穀身履全祺眉顏為大老于橐中三公萬

戶未足願也。棧不佞夙受知于公，嘗督學滇中，見公之遺澤溢于境內，而廟祀且巋然焉。故因陽德之請，述其著于滇者如此，而用之佐觴，以為公壽。蓋亦見其一斑云。萬曆丁丑春二月吉旦，郡人侯一元謹。

語云：德隆景星，景隆景德。蓋言夫天人之相須也。夫天之予人，也非所享祿位名壽若子孫哉，而非眈眈者則孰為來之。然則觀人者，觀其所享于天可也。人之承天也，非所行之慈儉謙厚若燕貽世守哉，而非蒼蒼者則孰為酬之。然則觀天者，觀其所修于人可也。始余業詩，究觀詩人之所侈談，以為頌禱者畧無出于華封人之三言身之壽康也。家之豐穰也，後之蕃昌也，其駢出而互見者莫如楚茨、大田詩。諸蓋因其然而得其所，以然甚矣。夫詩人之善頌而莫如卷阿之詩，又因其然而得其所，以然甚矣。夫詩人之善頌而

善禱也。余求之天下古今，莫是者。蓋罕矣。咸以為天之分予有若
生物之齒角翼足，然者而位之與名，則尤靳焉。至以為文章之憎
命造物之忌名，嗚呼！亦嘗聞夫金張韋平之傳世，與汾陽西平之
功名乎哉？亦存乎其人焉。爾夫吾鄉之英橋王氏，人知其有世德
深仁也。然溪橋翁則一布衣所施，不越鄉參議公亦僅官郎署功
烈不及遠。迺予則知其布衣也，而固有民胞物與之心。郎署而內
佐相，其陰德玄善亦既涵濡而遍乎寓內矣。夫余何以知之，以其
得天知之是故。以位則父子兄弟祖宗簪笏滿于牀，羔雁羣于庭
以祿則倉箱坻京以名則政事文學光朝著而溢四遠，以壽則西
華大夫今六旬而有強盛之色，齒髮不變，猶轉壯以本友則春元
君而下溢益蕃昌，又咸恂恂質而文夫天之所分予者，至大夫而
不難其全畀焉。曾無有乎增且忌者焉。此非余所謂因其然而得

其所以然哉夫當周之隆田制大定甫田也者固公卿所與民同
其利者也而又取陳以補不足滯穗以利於寡斯其所以介景福
酌萬壽而引子孫者也今田固非周之田也其他則大夫世德之
所優為者也斯既然矣乃今余所見西華大夫則又雅有古人之
節推明宗法仁其祖考以逮族人斥地西郭為漏澤園以惠枯槁
歲飢民儉率先減稅以厚野人慈何如也食不重肉居無媵妾焚
香靜室手不釋卷佚遊之樂百不一存儉何如也詞翰翩翩膾炙
于人而粥粥乃若無能初不矜暴其長推典禮闡桃李滿門而未
嘗私陸氏之裝以遺後嗣謙何如也總之敦樸堅厚若渾金璞玉
人能寶之而莫能名之一時子姓率行其教亦莫有輕俊意事層
越慕珍以獲戾于天人者于昆溪橋公參議公累世之仁其源日
以浚而其流亦日以長其本日以培而其枝亦日以茂視履考祥

觀其行事寧復有纖微不當于天心者乎故曰保佑命之而天申
 之又曰正是國人胡不萬年斯又非余所謂因其然而得其所當
 然者哉故泮與以彌其性第祿以常其暇者固天也而孝德引翼
 以求其助圭璋聞以善其成者則人也非天也夫天能全界之而
 亦能引而申之郊鄩之鼎乃過其卜王氏之世與淮長存固其理
 也今之王氏不將遠邁夫昔之王氏乎哉雖執左券以責諸天其
 可也已是月七日實惟大夫之壽辰甲子初周親朋胥慶相與即
 二谷山人之居而問焉曰子謝不文久矣盍亦使子之弟書之
 乎山人曰俞哉夫上古之壽乃百二十歲則甲子之再週也詩不
 云乎令終有傲其遂以余意鋪張之為初筵之獻
 慶副使西華王公六十壽序
 海虞嚴訥大學

永嘉以山水雄秀鍾靈滙淑而世族有王氏王氏之先道德勲業

科名爵級遠有傳緒而產今廣東按察副使西華公與弟湖廣按察
 副賜谷公良非偶也西華公往以武選遷湖省少叅賜谷公以進
 士令常熟常熟予邑也賜谷公為之吏事精絕政敷循良而操節
 文學傳之縉紳謂其家有仕譜兄弟行相與奮起登躋鼎軸而西
 華公顧興懷止足戒盛滿于其弟中第時即欲引去未遂比轉廉
 臬自湖南抵吳門謂之曰昔弟之薦于鄉也以我宦游于外族大宗
 蕃不可無主之者故不出應會試今弟已仕矣吾旦夕將草疏乞
 骸以總吾家政冢卿弟所治產也盍白之于是賜谷公以書來言
 于予甚懇疏上會兩廣督撫吳公疏請改公學憲西華公固引疾
 乞歸竟得俞旨既歸則屏跡杜門疏遠名勢交識遍臺省而一不
 以書通之有司請謁者拒不納第日誦敦睦采摭先賢家規及遺
 言刺行帥子姓而肆行之家世有鉅產承以節儉其所服御飲膳

大宗

薄菲如諸生而鄉俗多所薰染故浙撫按交重其名行而去則薦
之明年乙亥壽六秩矣而二月七日其誕辰賜谷公在吳臺追憶
其少家食時同侍祖先通政公考先少叅公昕夕游息刻晷必與
俱而自入官來以抵奉簡書不得一歸省宵夢神馳每若與之晤
言者先是誕之兩月徵余文以寓祝之而寫其情吾聞天之生賢
每篤以祐方西華公之在職方也一時賢雋駢集而西華公則獨
為少師大司馬虞坡楊公所器重己未歲薦分考禮闈所得人最
多而望愈宿故事郎官以文望得預試事多以憲職督學政會柄
國者以故人子欲收錄之數使人諷往見而西華則確然不肯濡
跡坐是遂失其懽歷職方武選垂翅者五六年而纔擢湖少叅其
氣節如此其聽于神而福天錫之壽宜也且君子之仕而去國其
所蘊藉百不一試而其為同氣為子弟者代吾而為之則與所自

為者何異今賜谷公別歷省曹出刺名邦比持天子璽書治吳訂
謨偉策推其疇昔家庭之所指授綜理精嚴樞機周密暇則進諸
生講聖賢之學人文蔚興吳境大治其所設施風流文采伯仲亦
各相似然則西華公亦何必自為之哉且聞公諸郎皆彬彬有文
學而冢器又以青年取高第方將揚于王庭則所以繼賜谷公而
為其尊君所未為者且代不乏人人矣西華公能勿輟然喜乎是
其壽又于是焉在雖然禮有之六十曰耆西華公之年其去懸車
之日尚遠今特自請告耳而日者呻吟納吐氣體轉羸為腴是天
若默相值之以遺今主上也主上旦夕有詔起先朝耆舊西華公
安得自諉曰吾有子若弟在而戀戀于安石之東山乎計不久將
昆弟喬梓聯翩赤霄並起而收三椿槐之業迹烏衣之盛不佞殆
未暇為其壽祝而且為蒼生之得所賴也賀之萬曆三年乙亥春

三月賜進士第光祿大夫太子保吏部尚書武英殿大學士知制誥大典總理大誌總裁官海虞嚴訥訥

誥大典總理大誌總裁官海虞嚴訥訥

贈西華王公六十序

華汝礪濕處兵備

夫君子之所以貴年者豈徒以身之祺壽已哉必也德弘體仁光

前而啓後馬以壽其家才裕展宋出則以道進退焉居則以身繫

重焉以壽其國斯謂之大備斯謂之戩穀求之浙東而克兼是者

誰歟蓋余行海上而睹大羅之山一何崔巍而敦厚也巨海之波

又縈迴而沃蕩焉其中則實惟憲使西華王公之所宅也斯非山

川之培風氣之鍾歟而何其履祥元吉之若是耶請繹厥旨蓋公

自其大人父溪橋翁已稱長者于一鄉暨先公東厓翁又以厚德

聞天下至公則茂追琢之學成圭璋之器德既彌盛業且彌盛光

斯所謂光前者也公之叔子賜谷公與公比德聯芳茲持節吾土

威惠滂流偉業無前而公震子春元又起巍科而繼美焉戴氏學
禮韋公傳經萃于一門斯所謂啓後者也起家進士三十登朝職
方紓石畫叅藩茂旬宣望重朝著績滿中外一擢憲使洗沐而歸
安石東山司馬居洛位不滿德天下繫心斯所謂以道而進退者
也竊聞之三壽朋于魯三老師于漢自古明君賢輔相與久道化
成非耆壽則莫與也方今天子睿聖遠邁周成大臣輔翼婉美姬
召光化遐被海隅靡所不燭而一時元老疇咨奮庸方授天下羣
上舊德之在林望者以為其養深其仁孰可與定大事可與肩重
任可與致遠道則亦孰如吾公者哉吾知旦夕璽書至必且起公
斯則所謂以身繫重天下者也乃今年乙亥仲春七日為公誕辰
而壽亦六十矣六十曰耆傳曰耆者至也指使也蓋德進于耆則
可以為卿而指使人矣由是而陪坐論焉而壽期頤焉非公所素

豫而副致者耶余辱公知竊快觀乎公之德之福而且上為社稷

靈長慶也於是乎書
壽永嘉王長公暨林夫人偕老序
新安汪道昆

始不佞學禮入官守司馬署永嘉王郎由禮家起筮仕職守即之

恂恂叩之訥訥徐察之則葆真敦樸質有其文不佞蒞之雁行相

視默契時諸郎習豪舉競游閩王郎退而繕書務博學以經世應

門僅更童僕惟簿虛無人同舍言育德故席鼎裊且友琴瑟郎署

非遲久不徙何索居而遠鷄鳴王郎則以南北日操兵分曹胼胝

不暇果請以獨身狗事寧喁喁與妻子俱且先大夫敝廬孤懸海

上守望相保終歲無寧居上而菜菔之田下而弓冶之業則自梱

內攝之矣已未王郎挾經術校士南宮尋奉命薊門視師多所更

定往不佞謂其恂恂訥訥居然具文武材信矣分宜故通先世亟

召王郎王郎絕跡相門無私謁分宜以為望因而陸沉者五年既
 既叅藩議守郢都上書引疾不許越明年進監司分巡粵海再上
 書引疾許之先是張文忠急兩錫是足張吾宅相兩錫者監司父
 也方伯叔父大司成文忠方得君誓將並進而加諸膝兩公不處
 也比翼千仞而去之及長公既謝監司次公陽德亦謝恭政彼其
 耽耽者非不利也辟羽儀而集于木不亦競爽乎哉兩世以墳簞
 鳴以鴻鵠舉則其家步上矣初寇掠長公境鄉保土崩長公首事
 堡永昌次公罷計偕為植既告成事守乃完林夫人故左右長公
 尸內治長公入郢職局鑰以從既釋事歸夫人持家秉長公不入
 城府屏居橫塘受成先大夫主宗盟興禮教捐重費飭學宮間為
 民間畫便宜白守令居常挾篋終日不問家淵默而天游二十年
 如一日夫人外主饗祀內主饗飧教主贊修功主織經徽柔共儉

庶幾周南諸賓客諸弟子從長公游屨滿戶外中厨授餐張具較
若省括而中長公舉丈夫子三長孝廉次光祿次胄子諸孫勝冠
者悉受業堂背日討而訓之無念爾祖無忝爾所生所不夙夜者
非夫也歲乙酉長公始考越丁亥夫入亦如之其月一中夾鐘一
中太簇其日則皆七日也王氏舉宗為長公壽則介次公而抵王
太常屬辭不佞寡聞何所藉口顧先世則魯之所自出易與周禮
在焉即不媿于辭取節可也在易之繫天地成列而易行乎其中
記禮樂者之言蓋取諸易著不息者天也著不動者地也一動一
靜者天地之間也天地定位動靜有常夫人能知之夫人能言之
矣要之乾以行健不能不本之靜專坤主靜而利安貞不能不乘
之動闢故動為靜父靜為動君乾之姤為潛乾以之而居始坤之
比為美為文為暢為發坤以之而代終動靜相乘乾坤不毀幾不

容間故曰中間大生廣生胥此矣長公由潛而見由見而潛頌然
若淵瑟然若蟄闇然若夜未且蠢然若容嗒然若尸居廓然若天
府于于然若浚圉圉然若有待而昭蘇具龍德而游其初是天道
也乾道也夫人片言不踰閫跬步不下堂用而不勤積而不苑不
宰而宰無成而成不見而章不習而利時含時發時直時方始足
以稱厚德而應無疆此地道也坤道也在禮七十曰老而傳猶之
乎天清地寧退而各止其所六子代起協力以終天地之功陽為
陰先是宜當戶震司主噐一索而得孝廉坎踐坤位而當乾再索
而得光祿成言乎艮三索而胄子興三陽成而子姓從之故其數
九九陽數也既盛而傳傳而滋盛天地之所以能長且久者率用
此歟世之長生以視者王氏居多其顯者為子喬為子晉為方平
皆世類也東海之上至人棲焉僊游者為安期為羨門仙隱者為

新工宜心善言後詳卷之三

老萊氏夫若夫婦以世類相禪地紀相依庶几乎脫屣易爾要
之若而人也者雖奇不可為典要雖高蹈不可以概中庸外其身
而身存或一道也說天莫辨于易莫大于乾坤觀禮者有言周禮
所以本也是役也吾其質諸天地而徵諸遺經即善為辭吾無費
矣

王母林太恭人八十壽序

德興祝世祿南京吏科
給事中

萬曆丁酉人日憲伯西華王公元配林恭人年八十吾友陳國紀
氏恭人姊子之子也先三月馳使函幣從永嘉來徵予言為壽予
惟以言壽人非古也而予又非能言者盖予以五年令入留垣牛
馬風塵懜焉典故竊欲圖所為建白資附仲山甫之義方戒嚴鉛
繫而國紀氏願遠及之則頻呻吟有不可辭者三太恭人長君寧
都令季宣於不佞祿稱鄰父母禮曰尊長謂其近于親也而况為

鄰父母之母乎是不可辭憶昔癸未上公車附季宣舟舟中談道
設執爰及家世不獨稔其王父父官蹟即母恭人內行亦略其聞
已而訪季宣于海上猶及見西華公時時在季宣右國紀徜徉鴈
宕諸勝母恭人寔授之粲是不可辭頃歲從季宣入計都門詢知
太恭人家居無恙今者國紀使命特辱謂季宣羈縻官方方歌陟
此以無能觴其母膝下為嘆惟先生不恡一言授之使者則豈獨
小子榮之寔季宣至願也是又不可辭予觀古今侈祝頌大都生
子所不足夫不足而婦儀著子不足而母儀著太恭人以夫子貴
累至今封仲以大官丞歸養季謁選天曹諸孫曾森森玉立其勝
冠者鱗列諸生太恭人奚弗足乎而藉于予言予即能言無能加
于其所不足則亦以太恭人身有之者還為太恭人揚厲之古者
內教修明婦於夫子類相贊而不相侵故大夫妻來蘋公叔母績

浙江省立圖書館藏書

代而下此風邈焉當西華公成進士通籍司馬尚書郎誰不豔羨
以身從夫坐享其餘者而太恭人願獨留家若曰家食官無藉于
家家有薄田我職之以餉且教子若婦亦無藉于官泐灑織紉躬
自拮据又不難以贏餘周親之急而西華公遂得壹意經略四方
之事歷官至楚藩遷臬左廣時也居者有成業而游者有成績太
恭人始一從行暨寧都君之官迎太恭人往太恭人曰孺子成之
而父不以官為家世清白吾所願于而者有世德在環邑赤子
嗷嗷惟而造命且吾丁年不欲累而父之官以佐其廉今景迫崦
嶷仲若季亦足以老寧復沾沾三釜浮游江湖重為而累堅不就
養而且時察長君所需具為橐寄乃長君顧自砥礪又重感太恭
人意飲冰茹檠惟瘡痍之民是煦是濡當道廉其治行露章交薦
之尋以上考考滿例得進其母氏之封加安人為恭人恭人心喜

為加七著夫恭人為婦則婦為母則母其所取于世者蓄其所還
 于天者豐上以成憲伯之高風而下又以成大令太令無營而靜
 夙夜瞿瞿母氏教不少替其如保之懷稱衆人母而太恭人且為
 衆母母此其為壽不亦弘乎且予又聞太恭人春秋即高視猶榮
 聰猶虛髮猶鬢然神明不少哀望之若自咬桃食丹來其歷耄而
 期頤之笑且未艾得全全昌理有固然此不足為太恭人張詡第
 以塞國紀氏之請且令季宣自廣壽民壽國乃以壽母而少解其
 依依愛日之情壽之旦國紀尚為我誦不映之詞前太恭人一進
 萬年觴焉

誥封王母林太恭人八十壽序
 廣昌劉文卿撰
 吏部主事

吾邑距寧都百里觀聞于旦夕者也往予司理于發行部東甌習
 王氏家世元夫碩士項背相望知憲副西華公有子玉洞長公者

新正命文 嘉慶改單 卷七 壽母 廣昌 劉文卿 撰

越數歲長公來令寧都予適予告子舍一日行里巷間聞有謠歌
者曰泉源潔兮以泳以潛繫吾君侯之廉春陽煦兮以蘇以燠繫
吾君侯之慈鈴閣言言兮旦旭而垂曛繫吾君侯之勤予為之撫
膺徐而索其人則曰此寧之耆庶所揚勵其令公者也予耳目逮
及蓋知王長公審矣無何寧諸士旅幣造予言曰不腆下邑君侯
王公治行粹美都人士涵濡久矣頃報績天子嘉其賢進君侯父
憲副公階為中憲大夫母林氏加封太恭人明年春正月人日際
太恭人八十設悅之辰祺壽榮恩應期而駢集吾師弟子樂觀其
盛敢介從史願得一言為太恭人壽予揖而謝曰不佞何能為長
公母子辭哉顧曩以御史裏行採風以獻繼從事王爵即細遐不及譽
而世家著姓其中外則周知之以予所聞于太恭人當其侍西華
公也服勤賓敬鷄鳴警戒扃鑰是司無煩內顧故西華公得專意

大業起家清華為名臣迨公敬歷藩臬則勸公返初服從佳山水
潛真葆光公以著書明道為當世聞人後先砥礪是太恭人克相
于夫者偉矣然予又聞太恭人徽美不獨修婦順業以相夫者成
其子蓋西華公仕司馬部時長公兄弟方髫齡公以曹事鞅掌遠
好述而索居太恭人主門內力持家秉夙夜課諸子惟勤惟忘教
成而長公以蚤歲領科名有聲迨受令于寧則進而誠之曰爾家
世受國恩而翁以澹泊明志祇適作求是孺子爾往乎字若民寧
為懸魚母為繭絲寧為卵翼母為鷲擊寧為傳餐母為飲醇庶几
無忝父祖無墮家聲長公受命惟謹其所繇禔躬服官者質之太
恭人之慈訓若司契然毫髮不爽乃太恭人猶兢兢慮也毫釐
靡倦躬事織紵力行節儉時出其家所有者以需長公官中故長
公即仕以來一絲一縷不以取之民而憫繫囚恤無告且不難捐

俸以甦之彼民之謠廉且慈與勤云者皆感而思而思咏以托于
不朽豈沾沾矯聲譽者所能致哉要以耳提身率本之太恭人之
教洵篤至也夫長公之能其官孚化于民邑之人戴之曰是為母
誨茲大齊之年引之弗替彼蒼祐之曰是為母德斯長公之得天
得君得士若民以事其母聲施于家國益章以遠所為太恭人壽
者寧有涯哉雖然名壽為上身壽次之西王母托瑤池吸風餐霞
長生莫美要之身壽耳如公父文伯母以勤稱陶士行母以廉稱
呂原明母以恕稱百世之下行事如見斯謂名壽以太恭人之令
善揆之古賢母蓋兼之而長公奮庸宣猷行且光于日月之際所
以尊是其親者方駸駸未艾太恭人視百歲旦暮爾予何以效岡
陵之祝哉于是諸士輟然曰下執事言即以舉萬年觴也遂敬書
為壽將以慈孝為世風勸

王母林太恭人八旬榮壽序

四明屠隆撰

禮部主事

余考典記門祚之燦赫熾昌戩穀弗替者具來禧積嘏匪獨有明
 德君子培爾亶厚蓋亦藉閨秀淑媛齊德配美而為之贊助矣瑯
 琊王氏寔始太保祥貞子覽醇白孝友德亦何盛哉後母朱虐使
 祥則覽趨而與之俱虐使祥婦則覽婦亦趨與之俱朱乃憇而止
 兩公與具婦賢孝極相埒醇德鬱蒸和氣翔洽天表之應桴鼓符
 契王氏之祚滋蔓鼎盛甲于江左即祥覽兩公與兩公婦之盛德
 所培基發祥遠也余髫時即聞東甌大家有林王二姓質埒素封
 門表通德蓋印纒綬若盛矣林有淑女配憲使西華王公以公貴
 封安人乃今復以其伯子寧都君貴加封太恭人云西華公為人
 宏茂好深沉之思讀書博綜湯當世之務核于故寔而適時用居
 恒靜嘿不為誇詡遇事殿發泉奔人罕窺其際官副觀察使飄然

懸車林居敦尚儉朴身無紈綺室無姬侍太恭人亦以素心相之
浣衣濯裙居然梁家婦萊氏妾風公約已豐物樂義好施太恭人
不觀難傾橐成公高誼訓諸子手授書篝燈丙夜太恭人時或佐
以流黃女紅事曰家幸不乏婢子老婦可圖即安顧勤儉自美德
從古明君哲后鷄鳴宵衣而况士庶家小子識之善敗之由寔維
勤廠矣其訓諸婦亦然每旦日諸子婦朝太恭人太恭人上坐旁
侍諸子婦正言莊色移晷乃散去門以內肅肅雍雍小大無間伯
子即寧都君光蘊次署丞君光薦次監事光普署丞君以太恭人
春秋高請告歸養寧都君于是始拜命謁選領邑符歸見母太恭
人拳拳教以愛民潔已無隳家聲時度君所需遣人致之官舍以
助之廉此寧渠獨若侃母還已耶今寧都令以仁廉卓異聞雖
君天性貞素乃亦稟太恭人之教也余鴉雅聞西華公與賜谷叅知

並耆德長者乃太恭人賢淑復爾王氏門閥豈有既乎何必遜江
左烏衣全盛時矣歲丁酉太恭人壽八十王正人曰是其懸悅辰
太恭人姪別駕林君宗教載書加帛走使微言不佞不佞辱交太
恭人文孫至言至充兩茂才天藻鴻苑風格凝峻蓋玉筍瑤琴之
品哉以是知太恭人之切蕪有素也聞太恭人壽八十神明視履
甚王今東南多壽姥無事遠訊隆母今年業登百歲康疆不翅壯
年人隆學道者母壽若斯人以為奇抑僊或有種乎即所為效華
嵩祝于太恭人者又奚必博蒐仙籍西王南嶽六微七靈雲林灵
昭紫清朱陵諸女真即且登吾母春秋百而後入婆婆易遷蓬萊
宮可矣王氏得姓自子晉子晉道成為桐栢真人兄弟眉壽輩七
人得道其女弟觀香亦授飛解術為紫清宮傅妃子晉治桐栢寔
在永嘉至今吹臺存焉永嘉王氏乃其後裔而太恭人乃以名德

嬪于王此豈偶然其得道度世良可冀哉若然又胡以區區人間
甲子稱賀為也

壽誥封王母林太恭人八十序

雲都李涑 謨 御史 撫都

李子習靜松盤之野邑大夫靜齋黃公過而言曰予幸侍玉洞王
公于虔水蓋同心之好兩都之人能言之矣獻歲之春是為厥母
林太恭人八十壽辰太恭人初侍西華公于職方封安人茲以玉
洞奏封恩西華公自憲副進階而太恭人乃有今稱之恩與壽會
世咸艷之元視太恭人猶母也願得執事者一言代祈耆之觴涑
乃拜手言曰涑不佞自其少時習王公家世蓋自司成公而下代
有聞人焉嗣與公之族父給諫存吾公同舉進士已又于婁東趾
公叔父大恭賜谷公之後于鎮江交公之族弟省菴公乃今玉洞
公儼然宰都邑河潤之仁業躬被之涑視太恭人猶母也願得矢

一語效岡陵之祝况申以父母之命乎蓋聞之彤管之懿猥云無
儀然而思媚之語好述之詠麟趾螽斯之什昔之人不啻再一頌
美之者誠以女士之德此其章章足徵者也夫太恭人遠處東海
又跬步不踰閨闈也雖甚盛德曷以知之然吾聞西華公事具尊
人少叅公有至性孝養之隆寔自太恭人修之中閨者豫也西華
公設道講書方負柄文之望乃遽歛其未盡之蘊于強士之年迄
今俎豆澤宮為世名儒本太恭人內政之拮据鷄鳴之交儼陰以
盡夫有相之道夫是以西華公得畢盧問舉學而無屑乎家人生
業卒之德日以進道日以高而家亦日隆隆起也斯非偶然者也
西華公既奉身蚤退以天之道發其祥于玉洞公昆玉暨其孫若
曾等太恭人不以子孫貴且賢也告誠諄諄式遠追乎敬養之風
乃玉洞公等日跽堂下而面承之君子是以知王氏之祚未涯也

嗟乎太恭人之德茲其為有徵矣計自今大齋之年自天錫之吾
知其不煩而坐致也乃吾觀於玉洞公之壽太恭人則又人世不
易能為玉洞公恩綸甫下其父老子弟相率跽庭階曰吾邑生靈
賴君侯倚辦大命太恭人之千萬壽也則何以致吾誠吾欲水盡
奇錯陸^窮瓌味獻之太恭人何如公謝卻之曰吾母忍耗若等一
粟乎則又曰他所不敢吾邑金精山有仙桃峰者其桃大如斗孕
日月之華飽霜露之液蓋^三王十年而一寔修仙者茹之千萬歲者
也吾以獻之太恭人何如公復謝卻之吾母壽自萬年若等挾仙
果馳萬里吾母不樂也于是退而私語曰自君侯至吾邑僅飲寧
一水諸所謝卻焉固也吾聞吾侯旦夕應徵書侍上左右壽國壽
民厥猷遠矣第勒一片石永君侯之德祝太恭人千萬壽俾君侯
常致身于日月之際斯以紓吾儕報答之願耳今且勿令君侯知

也嗟乎太恭人備女士之德以膺靈長之笑而玉洞公復宜大夫
庶士以壽其母其壽母也第取足乎民之志意不以一縷一匕進
也斯其賢于千金壽遠矣吾因以為世之未易能者也于是黃公
曰執事者之言其有當于玉洞公矣願書之俟設悅之辰期獻之
東王母是日也王氏之大人先生試讀此以謂何如

大藩叅王公八十序

同安林應翔譔

不佞束髮時雅聞海內有暘谷王先生異時天子重閩海方岳以
公叅知閩事問之都人士咸沾沾喜以為蒼生行且有賴不意公
竟致閩政不肯出迄今閩人望之不嗛于志若晉望東山謝傅云
歲乙未不佞釋褐握東嘉符登公堂望公綦履居然龐德也越明
年公且杖于朝季春十七日為覽揆旦不佞承乏茲土宜先賓佐
修酌者之詞蓋嘗橫規往昔閱閱世族代不乏人顧其得全全昌

者不一二覲彼無異故大都世祿之家鮮克由禮以故寡獲完庇
載籍以來惟郭汾陽身名俱全備諸福祉前史侈為美談則以虛
制盈以損居滿之明效大驗也公先大夫在世廟為名叅岳仲父
為大司成當世榮之乃公偕伯氏西華先生復後先舉進士高等
同執戟交陛下甌故多縉紳大夫然推甲第望族首王氏矣公兩
綰邑綬後補魏郡皆牧民寄所至民尸祝公尋備兵于吳三年波
澄浪靖吳人至今思之不殊曩在郡邑時也旋又晉叅閩藩是時
上方用御史邵公請議以公撫吳而公力疏歸矣歸而選勝陽湖
鑿池砌石以丘園自賁日置酒其中杜口不道外事處鄉閭以和
課子孫以義撫族戚以恩頃又廣葺宮葺楚宇繕鄉堡靡匪積陰
德于冥冥為長父計無惑天之庇公不下當年之庇汾陽也且余
聞之公先世有隱德王父通政公為食于路以待饑者里人苦齧

額外曠役流移轉徙公以布衣疏請均之至今血食里社父叅岳
公為相君張文忠公奸子相君柄國時嘗從容為言當世知名士
及時政闕失相君訢然受之文忠公為中興名執政岳公與有力
焉迨公又好行其德昔王氏植三槐于庭曰吾後必有興者竟如
左券公以身食先德之報故有今日乃公又培植之人以是知王
氏福德縣縣蓋未艾良自三槐氏卜矣公年逾大耄天子行且珍
從就問禮大夫致事居鄉里為父師公練達故寔洞悉民隱後先
吏茲土者藉公指南造福海陬不細天當以壽甌者壽公公亦以
未竟之天下者竟之桑梓不佞奉令承教無獲戾于父老子弟醫
公壽是賴則又拳拳私祝者哉

壽王大叅賜谷翁八袞序

大梁劉芳譽撰

甌故多著姓而王其最王世多象賢而賜谷先生其最先生歸隱

既二十年余出守于甌又一年而先生八袞矣日者言壽星在斗
牛間應域中耆碩其先生乎先生之壽非偶然也余聞之知進者
不忘乎退弗若人忌之持盈者不使之溢弗若天忌之夫涉世而
見忌于天人厥損良多其奚以言壽即壽矣亦罔之生耳先生席
累世之業而不惰于學既歌鹿鳴乃從尊人游依依膝下不忍離
至兩虛公車始勉一第得館銅章為民牧小試牛刀無何以最徵
入司馬署前後五載多所釐革主爵氏才之欲推轂為銓衡重先
生堅謝不果從尋守陽平陽平大治駸駸柄用偶一謀枘先生輒
拂袖去若脫屣然當路者惜未盡用起叅閩藩先生復堅謝不
果赴初先生業舉子山居閱仲長公理書欣然有當于心預于居
第之東為園更廣賜湖別墅至是花石綢繆水木蔭茂若有待于
主者先生益文之層臺曲池紆青拖練珍禽綺魚停雲候月時與

親知朋好觴咏其間輕絲急管夕奏辰流凝脂飛馨階沾砌景光
無邊而意自適也且其適不侈于用故儉而饒于積積而不有則
每恤其宗人將萬指無甚困乏者先生賜之矣又嘗捐千金治學
宮而拓其制從園橋泮水間望文筆峯廓如也先生學繼熙豐得
孔子之心傳然亦兼叅二氏柱下西竺不廢藝游探奇覽勝揮毫
弔古在在有之故郡中諸靈厓福境先生多剏建焉近復于艮峯
作重塔以固風氣賞甚不貲先生好義而疎于財類如此夫人情
莫不競進而先生若怯人情莫不難退而先生獨勇人情莫不好
積而先生務施先生其明于進退之理洞乎盈虛之機者耶易曰
天之所助者順也人之所助者信也履信思乎順是以自天祐之
吉無不利先生有焉即百年未艾矣此先生之所以壽也余將稱
觴而以語諸寅諸寅曰知先生者無如子遂次第其言以代三祝云

壽賜翁八十序

京山李維楨撰

永嘉王陽德公年二十有七而舉于鄉四十有六而成進士除靖
江令以才任劇調常熟召為兵部郎出守大名遷按察副使治兵
蘇松常鎮四郡報最遷叅政治兵如故年甫六十而遂乞休歸歸
二十年部使者薦章以十數即家以所居官除福建疏力辭免蓋
行年八十而體勝壯夫有子光祿季中與諸孫之文學鼓篋蠟鳳
食牛者皆聚順泉賢以承公歡不復知人間有憂戚事不佞殊心
艷之而屬門人郝仲輿由永嘉令徵授給事中請急還里時時設
公家世與其行事則知公所以眉壽無害道非一端而已夫富貴
功名子孫壽考天以四首者震耀寵綏人而每靳不兼予公家圭
組蟬聯有為中丞若大司成之屬其位或出公上公才雲蒸霧湧
致貳卿無難而棄之如遺迹留其有餘而不盡取之故能以壽考

享賢子孫之奉諸宗老所不敢望是一道也語曰人所歌舞天必
從之公為守為令所至咸有惠政民尸祝之而其在吳最久吳衆
口號稱難治到于今士大夫細民誦公如一日公自為諸生佐其
父兄施德于宗黨鄉里不一而足嘗以島夷入寇斥數千金築堡
而罷偕計身為植所全活生長無萬數胡苟婦孺莫不願公壽考
福此一方民攸好德則錫之福是一道也且夫生非貴之所能存
亦非賤之所能夭彼見夫功名富貴足以戕生則以為去功名富
貴足以養生矣山澤之癯道引之士其人豈盡壽考哉是管夷吾
所謂諸闕也公不治世故放意所好園池亭館圖史琴尊諸所共
張不侈而備賓客在庭者日百住庖厨之下不絕烟火堂廡之上
不絕聲樂其來不禦其去不留委運大化暢然自足而無陰陽之
患故曰善樂生者不窶善逸身者不殖執兩端而用其中緣督為

經可以養生蓋年是一道也給事更端言浙東名勝甲天下雁蕩
枯蒼具山秀麗瓌奇蜃江大壑之淙清澈紆迴承以東海雲物蕩
胸莽蒼無涯人得其勝韻遠而神王固宜壽王公者天啟之地鍾
之人成之得全全昌由此其選也始給事為永嘉以不佞故善事
公公以不佞故視給事如家人父子今年公初開八袞給事走告
不佞王公幸推先生之愛施及小子未嘗一日忘永嘉其何敢忘
王公先生自為進士從公遊情分不薄寧無一言壽公耶不佞先
人同公伯兄成進士公生復與先人同歲禮有之貴老以其近于
親也又曰見似目瞿因次其與給事私評公者以幅帛以侑公觴
壽王賜谷翁八十序
瑯琊焦竑撰

吳越之間山水秀潤文物鉅麗甲海內其閒曠近質猶有江左之
遺風者莫如永嘉永嘉之士族林立其衣冠奕世名勝蟬聯者何

限而克稱世德者莫如諸王諸王之蚤英騰茂雲蒸龍變者項背
相望而善始善終得全全昌者莫如賜谷翁翁生于正德仕于嘉
隆間而歸老于今皇帝萬曆之初歸且十有九年今年春三月八
袞為覽揆之辰翁姻陳光祿善等欲為翁壽以酌者之詞命余余
即不文然習翁久敢無言以為頌余聞翁少不樂仕進以色養故
公車勸駕逡巡弗上迨後舉進士兩宰大邑至今尸祝之為兵部
郎銓宰引翁為重欲推轂入選部公勿應出領天雄守既擢兵大
夫鎮三吳有功晉叅知當是時政府倚翁為東南長城至告秉鉞
持斧者曰凡事有王大夫在使翁少俯仰不旋踵貴倨矣乃翁嶽
嶽不走一槭長安而拮据提衡其大指崇務以安民附衆而已不
能周旋當世竟以論改折事浩然拂衣而歸歸後載以閩省叅知
起翁亦有以貴人意相名者翁謝曰向在羶途意無日不在林壑

今身隱矣又安能匍匐以竿牘向人也偃卧自如迨後貴人敗而
人益服公先見之夫翁幹局材譎恢奇博大藉令備兵吳中時不
堅持民事稍用織趨三事九列豈不取之如券豈待竟老又令翁
閩藩環召意或少動入彼樊中併其生平而盡棄之豈得竟老而
不落人口由前則以名自縈者多勞而少愉非所以為壽也由後
則以名自賈自賈者近危而遠安尤非所以為壽也而翁且翩翩
鳳翔千仞誰得而羈紲之而縉弋之余觀古之壽者如安期羨門
皆引身物外枯槁寂寞以自保其天年而無與于人間鐘鼓曲旃
之樂其豪華自喜若石季倫李贇皇輩又往往自捐天和不能保
金谷平泉于百歲惟漢張丞相蒼唐汾陽王子儀身都將相而享
其樂于大耋之後似與山澤之癯殊科以彼其材寧詎不能以勲
伐自显而歛其所盡以用之于庭榭園池之間素心遠志不染世

熏豈遜鑿坏趣世者而兼其所不足至老不廢歌舞遊觀之趣余
 向曾為翁記玉介園神為飛動今年日進而神日益王杖履仙仙
 道遙於其間即不能汾陽之享其濟張丞相之年當或過之蓋未
 可以緜首之笑窮也翁显身于世廟壽考作人盛際而懸車于皇
 上萬曆之元天萬盈數也翁號暘谷夫日出暘谷浴咸池拂扶桑
 僅曰晨明以倣公年則壯士也當其畫省是曰暘明出領五馬再
 陟方岳是為朝明及其謝事是謂晏食今茲黃耆其禹中乎由此
 而晡時而高喬而下喬方且應聖天子萬年無疆之曆異日太史
 望氣奏壽星在吳越其應為永嘉何疑設國家修老更禮吳越諸
 郡國有不以翁應詔哉哉以此觴翁翁豈不忻然舉諸君子之觴
 壽陳恭人六旬叙

隆慶初余成進士觀政大司馬省中時永嘉王陽德先生為武選

并工部及善區改單部七十五歲嘗受員會

郎先生之伯兄觀察公故與家大人同成進士余既以通家亟見
先生先生亦暱就余而僦舍適相鄰暇數過從先王溫雅有醞藉
與人交貌稱其情久而不衰每為具名余糗餌粉粢穀載暇修聶
而累之必工所居步武連屬終歲不聞中闕聲余因微知先生得
陳恭人內助矣陳恭人者先生繼室也蓋永嘉右族其先以武功
閱閱世官指揮使大父宦武林則家武林迨恭人之父賓竹公伯
兄游擊將軍東江公復歸永嘉而恭人為季女習姆訓閑內則賓
竹公沉吟相攸者久之先生聞其賢委禽焉先生家累世名貴人
姑妯娌之屬悉婉嫵有志操而恭人以少婦周旋左右事稱善
先生兩宰邑一守郡為郎及備兵三吳後先二十載恭人咸從必
聞其政間有所疑舉以相質恭人試借前箸籌之皆中窾以是先
生政績聲籍甚而自其少時與伯兄為德于鄉人甚厚鄉人恃以

安危伯兄既歸東山無復宦情先生時相念遂俸游矣恭人亦從
史先生歸歸可二十年客常滿座酒醴餼牽芻藁之費不煩咄嗟
而辨助恭人選者所舉子光祿季中恭人自襁褓取之不啻已出
季中季美而文稱翩翩佳公子得之恭人為多余所聞恭人崖略
如此既別去二十餘年而門人郝君令詠嘉雅游先生父子間余
嘗以書示郝君君子居是邦事其大夫之賢者友其士之仁者邦
有王先生父子子得所事友矣而郝君更為余言不獨先生父子
即恭人固女士也夫妻繼而賢使其夫忘亡難矣矧曰成夫母繼
而能子前母子難矣矧庶母子吾邑中固多賢者無成而代有終
如恭人其可少哉今年春三月恭人春秋六十郝君則又使使來
言季中就養恭人左右無方而冀幸吾師一言以壽其親弟子不
敏將焜耀恭人之望以風邑之為人母者藉手吾師矣余觀詩首

二南二南所稱引婦女事者十九麟趾駉虞太平上瑞皆以為閨
睢鵲巢之應化始閨門所從來遠矣古道寢微有司以刑名錢穀
簿書期會為事風化之原缺而不講史冊所可見者齊賜公金稷
子母號二子母為義母僕御妻為命婦魏賜曲沃負三十鍾魯高
芒慈母曰義母號九子母曰母師野人婦曰義姑姊宋表女宗閭
梁尊高行漢中太守南鄭令執子孫禮于杜恭姬致社肉于李穆
姜涪令立圖表敬揚酒泉郡禮趙娥沛相奏行義桓嫫代不數人
何寥寥也治道之不古若又奚怪焉恭人于王氏功在任姒之間
郝君須余言以壽恭人以風其邑之人其與猶行古之道與使者
進曰明府是舉也誠善顧何以祝恭人余因詔之郝君與余受詩
三百篇悉不終其物其切中事情莫如二南明府筐篚朋尊謁先
生父子之庭採二南而絃歌之洋洋盈耳哉有餘祝矣安事余言

奉壽誥封王母陳恭人七十序

支可大

上御極之初載永嘉王公由大名府擢副按察備兵于吳併理四
郡一切廉訪事公德懋慈廉才優文武海上防禦諸弊盡皆出素
辦一日島夷以數百艘來寇公從容手如意揮其宿所簡拔智勇
材官率戈船銳卒捍之海外斬俘輸獲無筭且嚴玉石俱焚之令
聞越人以驅虜陷賊中者咸得放歸事上聞大見褒賞得晉右叅
政兼董漕務公因奏蠲積逋數十萬吳人以蘓公又留意水利躬
親畚鍤疏濬孟河練湖以便漕艦而着書以遺後人為吳中永利
盖公之德于吾吳如此已而公以小拂意飄然去吳歸田竹冠芟
服徜徉墨池玉介之間極詩酒泉石之娛吾四郡士民至今歌之
三十年如一日而余師霽衡陳先生守澶州日公寔為大名府推
赤相臨尤不忘知已之報通家往還比隣千里雖公捐館三年于

茲兩家聞問仍猶不絕今歲公配陳恭人得年七十餘師既副具
 館甥章文學壽叙之請復以非出自致其誠也尋命不佞可大操
 管為詞以代躬祝惟公昔在吳不佞始釋褐試吏部下無由仰挹
 丰儀今得恭人壽而叙公家慶且師命也其何以辭嘗謂人生伉
 儷匪德弗偶故葛覃卷耳聖以配聖未蔡采蘋賢以配賢內外相
 成不虛也後世賢公鄉大夫特無風人紀其內德然必有默相于
 倡隨交傲之際者今推恭人之事公其順柔靜專之美雖不出壺
 帟然即公之為令為守咸有惠愛而恭人之佐其仁可知也即公
 之入即駕部秉法可阿而恭人之聳其節可知也即公之馭歷外
 臺經畫匪懈而恭人之翊其勤可知也即公之笑謝薦書堅卧不
 起而恭人之贊其高可知也即公之賑卹施予若赴飢渴而恭人
 之成其美可知也即公之子光祿君洎章君之配皆非恭人出而

卷之三
 吳郡陸氏
 陸氏
 陸氏

陽湖間余時從考政問俗相得甚驩也別去又數年余領憲轄浙
以東公使使來逆余武林道上北比至而公已觀化余愴悼者久之
時甌人士方狀公生平上舉學使者俎豆于黌宮而其嗣光祿君季
中數從余游嗟乎俛仰今昔更十餘稔矣今年春三月公配恭人
陳壽七袞進士吳憲甫謁余問所以壽恭人狀余自惟不文有即言
烏足為恭人重然亦何可無一言以壽恭人語有之輻持軸棟支
廈夫不知其相視其廷亦壽以大叅公之功德而已矣大叅公掇
大科宰劇邑入署樞曹出典畿輔貳藩秉臬作屏雄鎮而未老縣
車脫屣声利壽考康寧徜徉泉石者若干年士大夫羨為冥鴻翔
鳳蓋其惠愛深于士民其風采表于朝著其模楷垂于鄉閭其善
慶流于子若孫得全全昌人無得弔弗完而閭閻拮据克相終始
寔惟恭人是賴以此徵賢賢可知已善蓋自大叅公韞瑰抱粹踰

壯而登第也知恭人趨機之勸自大叅公樹駿建奇歷駘而蜚英
也知恭人鳴珮之贊自大叅公急流勇退知足知止也知恭人危
亡之戒自大叅公孝友孚家勦堡而惇宗也知恭人蘋藻之敬自
大叅公分俸指困舉火者三族也知恭人匍匐之救自大叅公濬
泮修黌造士而育才者知恭人婦教女誠之飭自大叅公米菽貽
穀世其青箱也知恭人勤績和熊之儆誨其他紉幕而盥饋羸橐
而蓄構皆壺修餘事無足多已夫長年之謂壽而壽匪以年也天
地淳龐貞和之理鬱勃而不散故可以壽國可以壽民可以壽家
而壽身揭其鉅為國與民之壽而存其緒為家為身之壽乃醞淳
釀和滋培淑氣惟恭人之賢相與儼儼其壽詎有涯耶蓋表揚徽
懿以綱紀風化司憲職也矧余辱交于大叅公最久且深者乎又
何愛一言因進吳君曰為我語季中其務夙興夜寐無忝先公之

庭訓以世篤其慶以光显其母氏斯壽之大者若重綸列鼎恭人
業已享之即僅僅舞萊綵御潘輿于季中為疏節也哉時萬曆癸
卯春三月上幹之吉

賜進士出身通奉大夫浙江等處承宣布政司右布政使兼按察
司僉事奉敕整飭浙東兵備前知温州府事通家侍生湯日

昭頤首拜書

奉壽誥封王母陳恭人七袞序

吳光翰

萬曆癸卯季春既朔寶婺祥光燭于九斗華盖之墟明辰為恭人
初度時年七十矣族父希悅氏率族屬稱觴以佐酌之詞命翰翰
誠荒陋烏敢謝不敏盖稱子孫之肖必源本庭闈之訓誨頌卿大
夫之功德乃推及閨范梱柄之賢夫名宗巨室福祚昌隆固世德
茂哉婦則母儀章順而毓祥盖非一朝夕矣詩書傳記之所載歷

歷可考也今則睹王門陳恭人王為東甌望族甲第播紳之赫奕
鮮有儼者乃橋梓華萼濟美聯輝出處瑩粹令名終始垂三不朽
備五嚮用則首推大叅賜翁傳而先祿君季中析薪克荷萬石孝
謹之行華陰清白之操韋平竹素之業益振而不替奕世載德盛
矣盛矣孰相之而孰成之乎則陳恭人是已陳世胄簪纓受鉞分
闡代著勛伐恭人嫺禮敦書四教性閒父兄雅奇貴之相攸而歸大
叅翁翁歷駁中外流鴻樹駿所在尸祝之而恭人恒與俱鳴佩玉
傲鷄聲不越壺闔而功四封黎元默受賜焉焉迨翁抗疏高致杜
絕世勞日從賓客徜徉山水間門以內壹切挈以付恭人無論庾
帑筦鑰之審紵帶筐篚之辨凡堂構菑疇之營創冠笄婚嫁之綜
理悉倚恭人主中度合節無一不當大叅翁者由是釋內顧得永
享林泉之樂至先祿君當胙恭人春秋漸高矣曾弗倦于勤即季

中聚順承歡敬養曲至藻蘋絜簾嗣徽有人悞以家政煩慈尊乃
鉅要無一不稟裁不殊大叅翁就養時也蓋恭人擁翟而甘習績
含飴而尚和熊女誠之諄切安危存亡之兢惕有古班桓風故肅
雍敦睦庭無間言申申訢訢門內翕然惟謹而賑榮周急親舊沾
其波潤者且若干夫觀大叅翁則知恭人之為婦矣觀光祿君則
知恭人之為母矣婦而則母而儀其賢于人何如也乃今龍章鸞
軸迭荷綸褒玉樹蘭芽菁英繞膝悅設于堂珍列于鼎舞綵而進
履慈顏怡愉受之當無不憚焉者意彌慊則神彌王神彌王則年
彌引由斯以徵壽未可甲子計也已寒宗世叅蘿附不肖翰少小
辱知于大叅翁而投契于光祿君最深顯蒙次息獲姻公姓其徽
恩于恭人者最厚故其言壽也不敢侈談瑤海蟠桃第拾生平耳
目所稔聖懿之概而慶德門福祚之遠也遂獻之以佐酌

賜進士第通政使司觀政內姪吳光翰頓首拜撰

奉賀族母陳恭人七十壽序

宗姪亮刑科中給

蓋浙以東赫赫哉王為閩右著姓云初從赤城徙居東嘉故與不

佞亮為族今海內所稱東嘉王門閥華峻才情超軼者則莫如我

族父叅知賜谷公暨厥子光祿李中甫而陳恭人者寔叅知公之配

光祿君母也曩叅知公登大耋不佞得躬之東嘉捧觴為壽今萬

曆癸卯春三月二日恭人壽且七旬不佞方以一官匏繫于閩不

得從族人雁次拜堂下乃族人則以赤城之最親愛稔知恭人者

莫如不佞遂從東嘉不遠數千里微言為恭人祝不佞則何敢辭

嘗聞之內有草蟲鷄鳴之賢則外有素絲羔羊之化故鄉大夫士

雖有懿德未嘗不由簪珥房闈之間為之助也第所謂助者助其

所不足也夫不足而婦則昭子不足而母儀显若叅知公父子固

新正會友書畫社第七屆會員會

無不足之恨而恭人之才識則非可以區區簪珥房闈間限也殆
庶幾古女士哉恭人之先以武功起家官都督者三葉是金貂世
胄也而歸于恭知又席累代之業家益鴻鉅紈綺阡陌邸第臧獲
甲浙以東藉令有驕褻習氣即免鑿于簪珥房闈間難矣况持鴻
鉅之家棟而調停之約束之非難調停約束鴻鉅之家之非難
難矣又况有超于此者若恭人之為婦為母可不謂至難得乎恭
知公宦轍駁歷中外一十六年必恭人翟車與之俱恭知公
固在人右所至輒政聲藉甚間遇事可疑貳者不即引決恒入剖
于恭人具擘畫靡不中窾以是恭知公益重恭人厥後恭知公勇
退急流毅然不肯結知于時宰再起為大藩者雖公于消息盈虛
之理有卓見乎而得之恭人勸者多也公性嗜山水家居二十
餘載所築園坵陂池宮室臺榭工甚夥恭知公唯日與騷人墨客

建堡修學一切
輿梁佛刹之費
動輒千金焚
必從吏以成其

徜徉其間恭人顧獨主供具不以煩公心公得不問家人事至于
勝故公嘗曰我晚歲任情剏造僥于中少有掣肘興滅矣蓋深有
德于恭人也恭人之為婦如此至待光祿君與其婦未又懇懇然
慈也故光祿君寧罷謁選獨以斑舞色養為娛其事恭人視恭知
公存日有加即夫婦親浣廁滌非勉焉事無纖巨壹稟之恭人須
恭人擘畫而行恭人之為母也如此夫閨教不越階序而恭人之
為婦為母其才識不區區類簪珥房闈中人彼紉綺疋陷邸第^減
獲之富恭人處之何有于胸中非真女士宜不及此在昔女史彤
管所紀載自周任姒以下唯魯敬姜為最賢身為穆伯之妻文伯
之母忘其富貴而親操女紅且幽贊二伯為明執政流風蘊義于
今為烈恭人非繼其芳躅于千百載者歟今年七十耳目聰明色
澤若少壯時諸孫曾繞膝以嬉森森玉樹也恭人之福未艾矣顧

新正會友書畫收屏第七卷書畫卷之四會

不佞亮不文周以揄揚盛德惟因族人之微而序其梗概若是叙
成緘而付之俟恭人設悅之辰遙望家園霞起赤城知瑤池金母
當率羣仙從海上驅白鹿銜芝入東嘉獻壽也不佞則亦東向拜
稽首為長生祝萬曆癸卯仲春吉旦

兼按察司僉事刑科給事中宗姪亮頓首拜撰

壽王母陳恭人七十序

馮時可

往丁亥秋余謁賜谷先生王介園先生出酒酒之珍異迭進鵲膝
鳧臠寒具餼鯉之類咄嗟立辦種種適口已再謁先生陽湖別墅
見其池館亭榭位次臚整出人意表心竊念先生經綸餘技施于
里居者如此其後詢之知為陳恭人所拮据而里人又盛述恭人
婉孌有志操涉獵音傳善筴事情悉中肯綮先生兩宰邑一守郡

一為郎暨備兵我吳所施設政行皆與夫人相權至于出處進退
能以四時消息天道虧盈最其君子凡先生所以保介石却脂韋
拔塵塼而凌朱霞者皆夫人決之也先生居家二十餘稔徜徉于
橘洲梅鴈間秋盡早霜金子懸庭春初芳月玉麟飛戶先生日與
賓客浮白引滿吸空明殮藍黛極林泉之樂而米鹽粢盛饒牽夫
人為之任其瑣屑煩苦不以恩先生耳目也家本閩閱世裔所
嫁又累世官族顧能不以脂澤倩冶相高不以奇服笄相侈勝而
獨捐橐傾廩于檀施義舉以佐先生為德先生既謝賓客介然持
其門戶田廬臧獲無改于舊率光祿君二孫文學以下誦讀操縵
蘭茁芝榮詩書之澤賴以不墮姻戚往來割腴以哺分續而溫錯
趾駢肩于門閭者曾不異夫夙昔所謂最賢智有丈夫槩者與矣
卯春值恭人七袞諸生朱一紳陳君善等微予文以賀余見近日

學士之為論者有曰程婦人者程其能治生與否耳操獨繭者易
其力理亂絲者難為功陶侃之母截髮對藁事非有多于訓其子
而已寡婦清以一娶發至馭萬鎰奴千指乃無有溢德致禮天子豈
不尤難雖然先王之教不過使人迪其常彛協于正則如三百篇
所載執懿筐 締絡宜鳧雁靜琴瑟代條枚羞蘋藻足以供婦無
之事而已而幽閒貞靜既然寓其德于間彼巴寡婦者圖贏責奢
孜孜汲汲貨殖流耳何足以風天下而重彤管若乃恭人勉勉安
安既不自多其富貴以過珍其天又不自少其富貴以求盈于天
進而能退積而能分束膏醞火酌不滿器此老氏所謂孰能有餘
以奉天下惟有道者有餘之固壽道哉蓋溫郡當東南極處山窮
水聚天地之精氣蜿蜒迴薄而會于此故蘊奇懷寶南金東箭宣
洩無盡匪獨男德亦有女貞若夫人者固巨室之程中饋之標乎

卷之三

古者尊者老匪直尊其年而已有德焉若恭人真可以壽矣

浙江布政使司右叅政分守溫處道馮時可頓首拜撰

奉壽誥封恭人王母陳太夫人七袞序

徐元太尚書

以余觀于梱內之德何僅僅也夫梱內何德夫亦用婦順母儀

表見耳顧冀野霸陵以其夫著矣而不必有令嗣綿上豫章以

其子著矣而不必有賢匹即厥門遺蹟以其夫子著矣而潛德

弗耀不必其身被显融而資適以逢于世於稽其類其唯渤海之

桓少君也者桓適子都裝送資賄甚盛悉却不御而徒着短衣挽

廢車歸里拜姑畢迺提甕出汲修行婦道卒成子都抗直名而討

子若孫嗣令聞而世司隸雖其遭遘奇也蓋亦內則間焉千古而

下始于永嘉之王恭人見之恭人出東甌望族世以勲庸長萬夫

而其王父則建大纛虎林之上迨父賓竹公復還舊服習珍錯純

溫州府志

穀以為常而筭年適叅知公公家世鼎盛自大司成來開甲第者
若而人恭人處持家棟能無幾微驕溢侈汰之色見于承接而顧
以朝夕待中櫛蕭乎其諧以敬也其周旋于諸姑姊姒之間雍乎
其蘇也其遇減若獲由由乎其劑以寬平也其服珥茹啜敦兮若
朴而其御諸媵瀟瀟乎進我色乎以歲時伏臘擇柔嘉而潔粢盛
洞洞乎屬屬乎如弗勝如將失之其娛賓朋靜中幕餼牽相勞之
費不咄嗟辦也井乎有條而佐叅知公為德于鄉築城堡置義田
建黌舍及江心仙岩名刹與夫除道成梁之具靡不夙戒也邴邴
乎似喜警乎具未有已也是其賢也猶夫人而能賢也是其惠也
猶夫人而能惠也至叅公知敬歷中外為世名臣自令而節而守而
備兵吳會後先凡二十載而恭人與之決大疑定大節脫躡權藉
之門而宅之超拜不謝再名不起竟保其姁媿完也此脂韋

丈夫之所悻而却走與嘯嚙觀望之士之所昧而不足及持而恭
人顧獨晰于幾先貞于介石非熟訾夫消息盈虛之故而不以利
傷行羶汙槩者能乎哉是周南之義憲英之哲太原之高所謂女
丈夫彪炳彤管者恭人直身賅之矣且吾聞公子光祿君文而好
修克纂厥緒而諸孫振振足繩祖武而孫而曾者又岐嶷甚也世
濟其美榮名無既而恭人且七十矣猶日坐婦氏衆諸孫于側訓
勤戒後時篝燈親女紅不輟斯非其所從來者乎昔桓少君身受
玉璵象瑞之榮而享有遐壽中興初猶及從子永魯郡太守舍中
其孫昱長跽請太夫人猶憶挽鹿車時不對曰先姑其言存不忘
亡安不忘危吾焉敢忘乎蓋勤以操其神而嗇以用其精故以之
持盈則不傾以之保世則不墜以之長生久眎則後天地凋三光
而不毀茲壽類也夫夫不知其妻視其夫不知其母視其子以恭

知公之為夫而偕之知化耦時可不謂智以光祿君之為子而提
之早復重積可不謂仁傳不云乎智者樂仁者壽要之智有適仁
有數樂者適也適腰忘帶適足忘履適意忘年何樂非壽中心惻
怛之謂仁我躬逢命曰終身詒謀燕翼命曰數世何壽非樂故必
有念之不忘而後其年忘有年之忘而後其世不忘忘則內治益
修不忘則內德益永用物弘而取數多道在是矣由斯以譚將邀
子晉之笙挹容成之溜控丹霞真人之鶴相與乞靈軒帝前而更
令謝監操翰王史臨池遂足寫母樂乎未也又將稱大羅之都華
蓋太玉之洞天仙岩福全之福地與彼十二真樓之白石洞震旦
中之鴈蕩龍湫而遂足擬母壽乎又未也余嘗嚴事叅知公知恭
人賢邇托玉洞公字下得于光祿君今重以林梁兩文章學言益
知恭人恚余何知知恭人之遭違奇矣惻則備矣既壽且康取之

庭內足矣時癸卯三月甲子為來賓王母之日

賜進士第資善大夫南京刑部尚書前都察院徐元太頓首拜撰

奉壽誥封王母陳恭人七袞序

陳公相

東甌環山帶海形勝甲于浙以東雄奇秀淑之氣蜿蜒磅礴鍾灵

于人則篤生高賢大良德行勳代表于世榮名壽考萃于躬而化

治刑于教成壺闔其君內子之賢亦婉德而並受其德福若鄉賢大

叅賜谷王公偕其配恭人陳是已余始筮仕大叅公已解三吳之

節雅慕其人而恨未一識也比領郡至甌得海內諸名公所撰傳

誌銘表讀之益窺公大全而高山之仰彌切時游玉介陽湖園中

盤桓泉石覽公生平琴書杖屨之藏慨然想其風致而得交其嗣

季中光祿君恍如見公焉因禎光祿君有賢母而信大叅公之有

賢助也季春二日恭人年七十矣余將偕二三同寅登堂展慶翰

浙江省立圖書館藏書

麓朱君謂余曰盍授彤管于惇史乎蓋古者閭巷閨闈之列淑雖
幽潛未耀史傳往往表章之詩三百篇多咏歌其后妃夫人美德
而祝福履太史陳之于王聖人錄之于經豈無以哉考風垂訓所
從來遠矣恭人之相大叅公也自登第而官成而致政而居鄉其
出處始終盛美未易枚數而頌大叅者必稱恭人不哀蓋駿猷偉
績勒口碑而垂汗竹者恭人嘿襄其成投簪納履砥中流而抗浮
雲者恭人陰贊其決岩游川觀崇香山而光洛社者恭人善遂其
高若夫筐筥釜錡之度勞佚安危之詢固恭人之孝慈而其碑大
叅公者不少矣季中翩翩鳳毛青箱克紹而肅雖聖善寔模楷于
庭闈故門內之政益修蓋皇明熙洽悠久天欲瑞之故生耆碩之
臣為國重又必有明詰之配為其臣之家重非偶然也已肆今衆
服雖容龍給赫奕內外子姓濟濟振振介眉壽而享純嘏蓋天之

所以錫恭人者厚且遠矣由莽以往岡陵川至之祉且與九斗三
溪同其崇深年齒豈有艾耶不佞忝職師師苟益風教即閤巷闈
闈之幽潛猶為表章矧婦則母儀備諸徽懿如恭人者乎既重翰
麓君請爰命惇史序之俾張于貽慶之堂萬曆癸卯季春吉旦
賜進士第中憲大夫知温州府事通家侍生陳公相通判王錫命
蔡倫魁推官朱道相仝頓首拜祝

奉賀王母陳恭人七十壽序

陳允升湖廣提學

今歲癸卯春三月二日大叅永嘉王公之配陳恭人壽屆七十其
館甥太學畿者章恭毅公胄也偕子姓孫曾為壽于堂先期介書
幣自東甌至吳不遠千里乞余言惟余獲幸于公舊矣公前守大
名率屬以治而余釋褐開州謬承特達之知諸所擘畫無虞掣肘
得遷為夏官尚書即寔維拜公之賜越四載癸酉公以憲副持節

治吳四郡兵事孝卹余家是時先奉直公且七十矣接遇有加禮
故距今三十餘載恍若隔世事而通家往來勿絕豈于恭人無一
言以頌嘗讀二南至于南國諸侯躬率聖化以正四國則必有夫
人燕婉佐之故葛藟樛木江沱蘋藻詩人穆然咨嗟徵其化之所
由起則正內正外厥德均也公典郡臬自北而南蓋有正四國之
風焉恭人秉有嫜節每任必從無亦克循公之指而益光佐之故
自公之進銅墨而金緋以有臬使之節也而恭人夙夜以導之勤
自公之酌泉致爽齋馬明志也而恭人篋龠以助之廉自公之愛
民馭吏就若日而凜若霜也而恭人茹吐以劑之平凡所因勢導
誼潛被于治者儻亦南國諸侯賢夫人之軌與已而公以直介不
屑意于時意竟去吳而田東甌執政者欲從田間起公忝閩藩而
竟亦不赴方且建堡置義田修黌宮甃輿梁日與賓從鶴咏玉介

陽湖之間積之星紀二周而事事倚辦恭人無恠色公雖高行乎
得賢媛而益適吾吳內郡士女靡日不謳思公之治則靡日不為
恭人遙祝無疆之福斯其壽也大矣而章甥之以壽請也其詞又
曰恭人誨成胤光祿君忘其非已出也拊籤兒女忘其非子出
也晨夕坐婦氏若女子側數引敬姜勞逸之訓訓之使貴忘驕而
饒忘溢以故光祿君戀戀色養不即謁選二孫斐然列博士弟子
內外稱曾孫者說說行慶且未艾審若是則葛藟膠木江沱蘋藻
之美恭人備之而諸福亦備享之夫永嘉之王甲于名閥與夫恭
殺之後蟬聯焉奕兩家喬木相望惟是恭人則倣徽音豈不高明
显融乎哉余固內德而又部民也漸涵于公之治願從四郡
士女托之南國風謠庶幾彤史尚有採焉
賜進士出身奉敕提督學校四川按察司僉事 予告前提督學

校進階朝列大夫通家侍生陳允升頓首拜撰

奉賀誥封陳太恭人王母七表序

仁和江鐸都察院

陳恭人世受武功爵寔為大恭王賜谷翁元配云人之難于世族

也惟曲臺之廩廩則桎梏而斃斃之矧乎震縣于悅兆元云虺蛇

進不聞竹素之書退束于保任之教抑何以德禮之譽相其夫子

庸以考壽显也古之壽人者祝之岡陵祝之日月可矣然必曰攝

以威儀曰永錫爾類微于天而式于人至今頌閔睢葛覃則壺德

遠哉恭人當歲癸卯三月二日稱七十壽矣星歸于紀日載以賜

象服既宜春酒雨露漑之時心簪彤管而授辭曰倪天之妹不显其

光陳之受姓沛有媯之後乎亦既著之公子敬之由矣自叅知公

之未貴也佐以勗勤敬共如賓有古孟光之風焉不數年起家進

士駁歷有聲由即署監三吳軍事尋陟叅知以告歸當今皇帝御

祿君更握手結平生驩伯兄玉洞公為宛陵司馬則不佞郡公祖	江之上頻接叅知公宇登堂燕笑花間燈下把臂談詩而令子光	初嘗備兵松蘇間不佞鄰封子部竊沐餘潤及宦游枯蒼往來甌	王恭人者叅知公賜谷先公配也公以進士起家今上龍飛之	奉壽誥封王母陳恭人七十序	眷侍生江鐸頰首拜讓	軍務協征播酋專勦皮林茅苗四奉旨便宜行事仁和年家	賜進士出身中憲大夫都察院右僉都御史奉敕提督偏沅等處	以不朽恭人必頰而受萬年之觴萬曆癸卯季春月壽旦	命矣壽恭人者光祿君以敬猶子以愛歌燕喜而薦觥竿余竊藉	知也夫恭禮之則也敬之禮輿也愛禮之官也恭人業已膺有嘉	克有禮自昔患之禮以生人亦克永世恭人之式于禮而後壽可
---------------------------	---------------------------	---------------------------	--------------------------	--------------	-----------	-------------------------	---------------------------	------------------------	---------------------------	---------------------------	---------------------------

許國忠 處州太守

也不佞待罪枯最久交游最深蓋兩世通家云恭人今年春三月
初二日七旬初度海內播紳咸稱觴獻悅搗詞致祝竭蹶走門下
不佞安敢謝不敏粵稽往昔龐德公高隱廐門皓首齊眉清白遺
安古今所稱然而避世岩穴形神枯槁履葆天年溫彥弘與其弟
彥博並升華近唐史榮之而家世周聞惟萬石君歸老于家子姓
簪纓庶幾完祉哉太史第稱其醇謹無所豎立勲伐其少絀矣乃
今恭人偕叅知公媿德永年如廐門而叅知公伯仲同時登甲如
彥弘兄弟推其家學以建主庇民之猷澤淪蒼生功留社稷視萬
石不啻過之豈非寓內之絕盛而往牒之希覲哉先是叅知公分
轄三吳督餉濬河拊民造士寔維恭人拮据勸勸恭人故斂袴世
胄且以叅知貴而身尠御綺縠口不重肉輒効桓少君提甕挽車
不欲酣豢于福澤此其意深遠矣叅知公歸卧東山耆英結社恭

人涉灑治具以佐賓客黨有塾族有田梁津甃道施劑掩骼皇皇
好行其德廉取而博施之受福也如釜鼓之不欲滿其用物也如
屢肆之不盡藏此恭人鍾壽之源也教光祿君以詩禮式穀和丸
不孺慕而廢義方光祿君固才得機获益助之高矣書稱太姬文
王之母魯頌僖公天錫純嘏維母之賢王氏之奕葉雲仍蟬聯世
美豈非恭人內政所贊耶夫恭岱不積不高滄海不積不深福不
積不厚易曰坤厚載物又曰積善餘慶光祿君克紹箕裘通显立
至方希鞶鞠脰獻毳酌爵偃俸而候起居諸孫英粹吐奇蔚蔚有
聲若昆立玄圃良玉照人恭山鄧林美材森立恭人黃耆兒齒不
必大斗之祈即瑤池之桃三熟福尚駸駸未艾今才七十春秋耳
萬里之鵬此其發軔奚足深賀不佞橐筆以俟異日左券時萬曆
癸卯春三月吉旦

中憲大夫知處州府事通家侍生許國忠頓首拜謨

壽儀丞見鶴公七十序

凌雲翼侍兵部左

太和麗厚原之氣流行宇宙間其鍾于人為五福首稱富貴壽夫是

三者其遇也為不可必其聚也恒多參差而不齊或得一而遺其

二或得二而遺其一蓋其氣有聚焉有散焉其散也而或貧或賤

或不壽其聚也而或貴皆富皆壽此造化之微倏忽遷徙以此鼓

舞人世而世乃以有心者窺焉疑其既往而意其方來此余之所

未喻也若永嘉王氏之盛殆所謂時其聚者耶自大司成鶴山公

伯仲以科第起家負台鼎望其後人相繼躋膺任永嘉之言貴者

必曰王氏甲第連埒宗親子弟咸盛貲產千人聚食永嘉之言富

者必曰王氏自通政谿橋翁耄年碩德望于鄉邦其後壽考至耄

耄者踵接永嘉之言壽者必曰王氏今見鶴公以通政公之孫司

成公之冢嗣少負奇質敏才瞻學為時輩所推官鴻臚司賓丞日
預侍從方陟清華輒飄然賦歸不謂之不貴優游于亭館花木之
間不謂之不富安居暇食不親藥餌不習導引常如壯年不謂之
不壽夫是三者所謂不可必參差而不齊者也而聚于一家又聚
于一人之身斯亦難矣余往奉天子璽書治東甌獲與王氏伯仲
游時公已請告歸鶴林中見其容脩然鶴立迴出塵表而襟度冲
夷操履端謹每敬而慕之余離東甌今且十餘年公之從弟賜谷
公復奉璽書治吳余適徙官過梓里相與道舊故公稱其伯兄憲
使西華公今歲六十從兄兄鶴公今歲七十鬚髮漆黑容色無殊
往時且言見鶴公誕辰在初夏二十三日屬余一言為壽余稔辱
諸伯仲愛又幸在賜谷公撫綏之下則所以壽公者宜莫如余故
特侈其家世為天地太和龐厚之所積以復于賜谷公而公復興

余言其所居之鄉後山竝立干雲霄大海襟其前為一方英靈之所鍾會鄉族中往往有至百歲者余記昔曾過之今山川猶恍然在目殆堪輿家所謂山高入壽之說非耶抑余聞王氏自築堡後其族之子姓文學彬彬視昔加盛生聚日益繁則其難老長世當又遠邁于昔余所謂時其聚者方自今日始世以七十為稀年自見鶴公視之固猶在壯齡耳又奚足為公壽哉

賜進士第通議大夫兵部左侍郎太倉凌雲翼謨

浙江省委宣傳部
溫州地區革命委員會
溫州地區革命委員會
溫州地區革命委員會



溫州市圖書館

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市 0240

WENZHOU LIBRARY